



Prill 2022

shqip

Ky është urdhëri im: Duani njëri tjetrin, sikurse unë ju desha ju!

(Gjn 15,12)

Kontakt: Meinolf Wacker
Kirchplatz 7
59174 Kamen

Mobil.: +49-172-5638432
Mail: meinolf.wacker@go4peace.eu
Homepage www.go4peace.eu

Duani njëri tjetrin! Love one another!

Të dashur miq të go4peace,

Jezusi duhej të përjetonte përsëri se sa e vështirë ishte për miqtë e tij më të ngushtë të jetonin me njëri-tjetrin dhe për njëri-tjetrin. Mirëqenia personale ishte shpesh më e rëndësishme për ta. Dy nga apostujt kishin një dëshirë të thellë të uleshin në të djathtën dhe në të majtën e Jezusit në mbretërinë e qiejve. Ata donin të ishin të parët. Mes të gjithëve kishte lindur pyetja se kush ishte më i madhi prej tyre. Ata kishin mbetur plotësisht në mendimet e kësaj bote sipas motos: “Njerëzit janë të këqinj, ata mendojnë për veten, atëherë edhe unë mendoj për veten!” Ose e thënë ndryshe: “Nëse të gjithë kujdesen për veten, të gjithë janë të kujdesur.”

Jeta qiellore që Jezusi donte të sillte në tokë, vjen nga një burim tjetër. Kjo u bë e qartë në pagëzimin e Jezusit në Jordan. Qielli ishte hapur. Fryma e Shenjtë u shfaq në formën e një pëllumbi. Një zë tha: “Ky është biri im i dashur”! Pra, Jezusi erdhi nga dashuria e thellë e Atit. Nëpërmjet dinamikës së dashurisë, Shpirtit të Shenjtë, Ati dhe Biri ishin gjithmonë të lidhur. Këtë jetë të përbashkët në dashuri të sinqertë, Jezusi donte ta sillte në tokë. Ai donte që miqtë e tij të zbulonin se dashuria e një personi për fqinjin e tij është hapi i parë. Kur kjo dashuri bëhet e ndërsjellë, jeta fiton një cilësi të re. Një gëzim i thellë na dhurohet. Kështu, Jezusi u dha miqve të tij urdhërimin e e ri, atë të dashurisë reciproke. Ai u tha atyre: Duani njëri-tjetrin siç ju kam dashur unë!

Ndoshta ju e keni pasur më parë këtë përvojë dashurie reciproke: që lë qiellin të ndizet tashmë mes nesh njerëzve në tokë. Tomás tregon një përvojë të tillë: “Kisha ardhur në një famulli të re dhe nuk njihja askënd. Familja ishte në një gjendje shumë të keqe dhe e ndjeja veten duke u përkeqësuar çdo ditë. Nuk dija si dhe ku të filloja. Shpirti im ishte vërtet në errësirë. Një mik i mirë e ndjeu këtë teksa flisnim në telefon. Ai erdhi nga larg. Për dy ditë munda të provoja se sa konkrete ishte dashuria e tij. Bëmë plane për apartamentin, e pastruam dhe blemë mobilje. U ndjeva shumë i dashur. Në këto dy ditë u rrit një forcë e re tek unë. Dashuria mes nesh u bë e ndërsjellë. Ai kishte dhënë kohën dhe dashurinë e tij për mua. Gjeta forcën t’ja kthej. Kur u përshëndetëm, mes nesh ishte një gëzim që nuk e kisha përjetuar prej kohësh”. Kuptova se çfarë donte të thoshte Jezusi në urdhërimin e tij të ri: „**Duani njëri tjetrin!**“ – „**Love one another!**“

për go4peaceTeam

Meinolf Wacker